

Castella Vetus, & Nova.

Regio unde dicta.
Veteris Situs.

174

Solifertilitas.
Imperium majorem.

Urbes.

CASTILIA sive *Castella* (cui nomen ab *Castello*, quod *Pelagius Rex*, *Legione* ab *Mauris* recuperata, ut *Propugnaculum*, contra hostes extruxerat) quondam *Bardulia* dicta fuit. Hanc duplicem faciunt Hispaniarum Delineatores, *Veterem* & *Novam*, *Veterem* circumdant ad Boream *Asturia* & *Biscaia*: ad Occasum *Portugallia*: ad Meridiem *Castella Nova*, Montibus qui fere per longitudinē *Hispaniæ* incedunt, intercurrentibus, ad Ortum *Aragonia* & *Navarra*. Regio fertilis Frugum, Vini, omnis generis Fructuum, Croci, & Animalium. *Castellæ* autem Regno tale legitur fuisse initium. *Pelagius* erepta rursus *Mauris* *Legione*, Castellum quasi propugnaculum adversus Barbarorum vim extruxerat, cui qui *Præfecti Comites Castella* nuncupati, Regem *Legionensem*, ut Principem diu agnoverunt usque ad *Ordonium I I*, decimumquartum *Alturum*, *Legionis*que Regem: qui quum *Comites Procere*que *Castellæ* per speciem Colloquii ad se evocatos obtruncasset: *Castellani* pessimo scelere indignati, projecto Regum *Legionis* jugo, ex suo corpore duos elegerunt *Iudices Ninium Rasuram* & *Lainum Calvum*: unum, qui *Iuridicundo*, alterum qui rebus *Bellicis* præficeret: quorum *Liberi* horumque *Posterii Comites Castella* sunt appellati usque ad *Sanctium Majorem Navarra Regem*, qui quum bello fortis *Cordubam* & *Toletum* *Saracenis* eripuisset, *Mauros* omnes *Navarra*, *Aragonia*, *Castella*, *Legione*, *Portugallia*, aliisque *Hispaniæ* locis exturbasset, totamque *Hispaniam Christiano* nomini restituisset, ducta *Elvira Sancti Castellæ Comitis filia*, *Garsia*que *postremi Comitis Sorore* & ex *Assæ* hærede, se dotis nomine non *Comitem*, sed *Regem Castellæ* scripsit, Regnumque ad *Ferdinandum filium*, *Legionis* etiam Regno per conjugem *Sanctiam* locupletatum transmisit. *Ferdinando* successit *filius Sanctius*: huic frater *Alphonso*: cujus *filia Vrraca* (nam *Stirps macula* obierat) quum, post *Raimundum Berengarium Tolosæ Comitem*, *Alphonso Regi Aragoniæ* nupsisset, *Aragoniæ*, *Castellæ* & *Legionis* Regna fuerunt unita. Metropolis *Veteris Castellæ Civitas Burgensis*, vulgo *Burgos*: *Bravium* putatur *Ptolemæi*. *Urbs antiquissima*, multisque rebus insignis, & inter primarias *Hispaniæ* merito referenda, *C L* sub se habens minorum gentium *Opida*: magnis, pulchris commodisque ædificiis passim adornata; *Foris* venalibus, *Plateis*, *Vicis*, *Pontibus*, *Templis*, *Cœnobiis*, *Amnibus* exulta: ob incredibile *Incolarum* cujuscumque ætatis, sexus, conditionis, *industriam* & *diligentiam* memoranda. Circumdant suam *Metropolim* jucundissimo commodissimoque situ: *Palentia*, ad *Carrionis* marginem sita; *Palantia* *Plinio*, *Mela*, *Ptol.* & *Appiano*, *Pallantia* *Straboni*: *Perqalantia* corrupte apud *Antoninum*. *Valdoledum*, *Sedes* olim *Regia*: locus in amœnissima *Pisuergæ* ripa, non *Hispaniæ* solum sed *Europæ* totius pulcherrimus: cui quæ *Urbs* anteponatur, non invenitur: agro beatus fertilis *Forum* ibi pulcherrimum amplissimumque: cujus ambitus *1500* passuum: quumque multis aliis de causis hac *Opidum* valde sit nobilitatum, multo tamen magnificentius illud reddidit *insultrissimus Philippi Regis Hispaniarum ortus*: vulgo *Valadolid*: quod *Vallem Oleti* sunt qui interpretantur. *Pintia* *Ptol.* *Pincia* *Ant.* ut censet *Clius*. *Simanca* *Anto. Seprimanca*. *Camora* *Pt. Sarabris*, ut *Cliu*, videtur: quæ vitiose *Sabaria* apud *Antoninum*. *Sarabrim* tamen esse putant *Florianus*.